

儀禮注疏卷第一



漢鄭氏注

疏

士冠禮第一

冠古亂反

○鄭曰錄云童子任職居士位年

二十而冠主人玄冠朝服則是仕於諸侯天子之士

朝服皮弁素積古者四民世事士之子恒為士冠禮

於五禮屬嘉禮大小戴及別錄此皆第一

疏

釋曰鄭云童子

任職居士位年二十而冠為士身加冠知者鄭見下

昏禮及士相見皆據士身自昏自相見又大戴禮公

冠篇及下諸侯有冠禮之末造亦據諸侯身自加

冠故鄭據士身自加冠為目也鄭云四民世事士之

東京大學
東洋文化研究所所藏
漢籍善本全文影像資料庫

書名 儀禮註疏十七卷（十三經註疏所收）
撰者 漢 鄭玄 注，唐 陸德明 音義，唐 賈公彥 疏
卷 卷首
內容分類 經-禮-儀禮-唐
索書號 貴重-1
編號 A212400

[彩色首頁1](#)

[東洋文化研究所漢籍目錄](#) 編號: A212400

[東洋文化研究所漢籍目錄所藏漢籍善本全文影像資料庫](#) 索書號: 貴重-1

[漢籍善本全文影像資料庫](#) 文本 [儀禮註疏十七卷（十三經註疏所收）](#)

版權所有: [東京大學](#) [東洋文化研究所](#)

[使用上的注意事項](#)

所究研京東院學化文方東

No. 3038

八
二

0 1 2 3 4 5 6 7 8 9 5

不 許 複 製

NOT TO BE REPRODUCED

東京大学東洋文化研究





儀禮注疏序

唐朝散大夫行太學博士弘文館學士臣賈公彥撰

竊聞道本中虛非言無以表其疏言有微妙非釋無能
悟其理是知聖人言曲事資注釋而成至於周禮儀禮
發源是一理有終始分為二部並是周公攝政太平之
書周禮為末儀禮為本本則難明末便易曉是以周禮
注者則有多門儀禮所注後鄭而已其為章疏則有二
家信都黃慶者齊之盛德李孟哲者隋曰碩儒慶則舉
大略小經注疎漏猶登山遠望而近不知哲則舉小略

大經注稍周似入室近觀而遠不察二家之疏互有修
短時之所尚李則爲先案士冠三加有緇布冠皮弁爵
弁旣冠又著玄冠見於君有此四種之冠故記人下陳
緇布冠委貌周弁以釋經之四種經之與記都無天子
冠法而李云委貌與弁皆天子始冠之冠李之謬也喪
服一篇凶禮之要是以南北二家章疏甚多時之所以
皆資黃氏案鄭注喪服引禮記檀弓云經之言實也明
孝子有忠實之心故爲制此服焉則經之所作表心明
矣而黃氏妄云衰以表心經以表首以黃氏公違鄭
黃之謬也黃李之訓略言其一餘足見矣今以先儒失
路後宜易塗故悉鄙情聊裁此疏未敢專欲以諸家爲
本擇善而從兼增已義仍取四門助教李玄植詳論可
否僉謀已定庶可施矣函丈之儒青衿之後幸以去瑕
取玦得無譏焉